



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ვლადიმროვი ლევ ალექსანდრეს ძე



ვლადიმროვი ლევ ალექსანდრეს ძე [10 (23). XII. 1903, ქ. ალექსანდროპოლი (ახლანდ. ქ. გიუმრი, სომხეთი), – 10. I. 1989, თბილისი], გეოგრაფ-ჰიდროლოგი. გეოგრ. მეცნ. დოქტორი (1965), პროფესორი (1966), საქართვე. მეცნ. დამს. მოღვაწე (1976). 1931 დაამთავრა ერევნის პოლიტექ. ინ-ტი. 1945–58 იყო საქართვე. მეცნ. აკად. ვახუშტის სახ. გეოგრაფიის ინ-ტის უფრ. მეცნიერი თანამშრომელი,

1958–80 – ჰიდროლოგია-კლიმატოლოგიის განყ-ბის ხელმძღვანელი, 1980–89 – პროფესორ-კონსულტანტი. ვ-მა დაამუშავა მთიანი მხარეების მდინარეთა ჩამონადენის, მდინარეთა საზრდოობის, წყლის ბალანსის გაანგარიშებისა და ჰიდროლ. დარაიონების მეთოდები, მოგვცა საქართვე. კარსტული წყლების კლასიფიკაცია. მისი შრომები გამოყენებულია საქართვე. ენერჯეტ. და საირიგაციო ნაგებობათა დაპროექტებაში. „საქართველოს სსრ ატლასის“ შედგენაში (1964) მონაწილეობისათვის მიენიჭა საქართვე. სახელმწ. პრემია (1971). საქართვე. გეოგრ. საზ-ბის ა. ჯავახიშვილის სახ. პრემია (1993, გარდაცვალების შემდეგ).

თბზ.: Питание рек и внутригодовое распределение речного стока на территории Грузии, Тб., 1964; Водный баланс Большого Кавказа, Тб., 1970; Водный баланс Грузии, Тб., 1974 (თანავტ.: Д. Я. Шакаришвили, Т. И. Габричидзе).

გ. გიგინეიშვილი